

# JENJEN KPAŊMO NI KOO GBOMO ADESA HEGBEI AHE

## MLIBOTEMO

Akeni aŋoo no ake afo gbomei adesai fee ake mei ni yoo egbo ke heyeli ko ni anyen ashoo ye ameden, ni nomei ji heyeli, jalesane ke toinjobe shishifai ye je le mli hewo le,

Akeni bu ni abuuu, ke asan gbomo adesa hegbei ano ni anaanaa ye shikpon le etso gbomo yitson ni eha efeo yiwale nii, ke amro nee gbegbelemo ake mei foji anine ashe ameshweenii ano bo ni ameaanye amewie no ni amesusuo ye no ko he, amehere no ni amesusuo ake eja gbe pe ameye, akanye awo amehere gbeyei don, ni asan akakama ame no ko no ko hewo le,

Akeni suomo ni asumooo ake atsoo gbe kroko no ajieo yiwale noyeli ko hewo ni ehiaa ake awo mla ni baafa gbomo adesa hegbei ahe hewo le,

Akeni ehe hiaa ake aka he aha naanyoboo ahi maji aten hewo le,

Akeni mei ni yoo Jenmaji Ekomefeemo Ku le mli le ema amehemokoyeli ni ameyoo ye gbomo adesa mli, ke agbojee ke egboyeli ni ka hii ke yei aten no aduatsa, ni ametswa amefai shi hu ake amebaabo mosen koni shihile mli aŋoo fe tsuutsu, ni heyeli ahe shi jogbanj taake ato he gbejianoo ye Jenmaji Ekomefeemo Ku le kpaŋmo le mli hewo le,

Akeni maji ni yoo Jenmaji Ekomefeemo Ku le mli le ewo shi ake ameke ku le baafee ekome bo ni afee ni hie aso, ni asan gbomo adesa hegbei ke heyeli ahe shi hewo le,

Akeni shishinumoo ni aaana ye hegbei ke heyeli nee ahe baafee no oti ni abaadamoo no koni shiwoo nee aye omanyee hewo le,

Bele, Agbene

Kpee Wulu le miiha ale

Jenjen Kpaŋmo ni koo Gbomo Adesa Hegbei Ahe nee

Ake mei fee ke jenmaji fee asusumo kpaa, koni mei ankroankroi ke kui fee adamoo kpaŋmo nee no ameba mosen ametsa nitsoomo ke tsosemoo no ye majianj ke maji aten nifeemoi ano ameha emli hegbei ke heyeli le ahe shi ye je le mli fee ye maji ni yoo Jenmaji Ekomefeemo Ku le mli diantse, asan ke shikpoji ni yoo ameshishi ano bii hu anifeemo mli.

Gbejianotoo 1

Afo gbomo fee gbomo ye agbojee mli, ke hegbe ko ni damo nele koome no. Gbomei fee ye jwenjmo ke henilee, ni no hewo le esa ake amehere ahi shi ye nyemi suomo mli.

Gbejianotoo 2

Mo fee mo ye hegbe ake eyoo hegbei ni yoo kpaŋmo nee mli le amli noomo le eko, bo ni naatsii ko kwraa be ye jaku mli ni aje, hewolo su ni ahie, nuu loo yoo ni aji, wiemo ni awieo, jamo mli ni ayoo, mansaneyeli shidaamo mli aloo susumo ni ayoo ye no ko he, man no ni aje, nii ni ayoo, weku mli ni aje aloo gbena ko ni ahie hewo.

Asan akwe koni akajie nianj bo ni ake mo ko man ni eje le agbojee miitsu nii ye hegbei nee agbefan, keji man le ena heyeli jio, aaje man kroko no aakwe esaji ano jio, enako heyeli jio, aloo eho noyeli ko shishi fa ke fa.

### Gbejianotoo 3

Mɔ fɛɛ mɔ yɛ hegbe akɛ ehio wala nɛɛ mli, akɛ ena heyeli, koni akwɛ ni efɛɛ shweshweeshwe hu.

### Gbejianotoo 4

Esaaa akɛ ayɛɔ mɔ ko nyɔŋ, aloo ahaa esɔmɔɔ mɔ ko bɔ ni ejaaa gbɛ; aahi nyɔŋyeli kɛ gbɔmɔhɔmɔ gbejianotoi sɔtoɪ fɛɛ.

### Gbejianotoo 5

Esaaa akɛ akɛ yiwale nyɔtɔɔ mɔ ko, aloo akɛ ehie tsumɔɔ shikpɔŋ, aloo afɛɔ lɛ anisenii kegbalaa etoi.

### Gbejianotoo 6

Mlanaa lɛ mɔ fɛɛ mɔ yɛ hegbe akɛ akɛ woo haa lɛ akɛ gbɔmɔ adesa.

### Gbejianotoo 7

Mlanaa lɛ mɛi fɛɛ yɛɔ egbɔ, ni esa akɛ akwɛ koni mɔ fɛɛ mɔ afɛɛ shweshweeshwe bɔ ni hiɛiaŋkwɛmɔ ko kwraa bɛ mli. Esaaa akɛ akwɛɔ hiɛiaŋ yɛ mɔ ko mɔ ko gbɛfaŋ kɛji ayɛ lɛ sane ko ni kɛ kraŋmɔ nɛɛ kpãaa, aloo awo yiŋ koni afɛɛ nɔ ko ni kraŋmɔ nɛɛ eŋmɛɛɛ he gnɛ.

### Gbejianotoo 8

Mɔ fɛɛ mɔ yɛ hegbe akɛ ebio koni kojomohe ko ayɛ esane eha lɛ bɔ ni hiɛiaŋkwɛmɔ bɛ mli, kɛji ayɛ lɛ toikɔdɔmɔ sane ni tɛɔ shi eshio kraŋmɔ nɛɛ, aloo Maŋ Mlatso lɛ, aloo hegbe ni eyɔɔ yɛ mlanaa lɛ.

### Gbejianotoo 9

Esaaa akɛ amɔɔ mɔ ko, aloo atsiɔ enaa, aloo atswaa enaneshi tu kɛji aboteko sane ko ni akɛshi lɛ mli jogbaŋŋ.

### Gbejianotoo 10

Mɔ fɛɛ mɔ yɛ hegbe akɛ kɛji ena sane ko lɛ, ajinafoi ni ahe bɛ sane lɛ mli akojo lɛ bɔ ni hiɛiaŋkwɛmɔ bɛ mli, ni asaŋ amɛbo egbee toi kɛmɔ shi.

### Gbejianotoo 11

Kɛji mɔ ko na sane ni sa toigbalamɔ lɛ esaaa akɛ abuo lɛ fɔ yɛ najiaŋ, beja akojo lɛ yɛ maŋ hiɛ, beiaŋ ni aha lɛ hegbe fɛɛ ni sa akɛ ena kɛfã ehe jogbaŋŋ hu.

Esaaa akɛ abuo mɔ ko fɔ ni sa toigbalamɔ kɛji efɛɛɛ aloo efɛɛ nɔ ko yɛ maŋ mlanaa aloo jɛŋmaji atɛŋ mlanaa, kɛji beiaŋ ni afo sane lɛ afo enɔ lɛ awoko nakai mla lɛ. Ni esaaa hu akɛ toigbalamɔ lɛ naa waa fe bɔ ni mla letsɔɔ nakai beiaŋ lɛ.

### Gbejianotoo 12

Esaaa akɛ akɛ he woo mɔ ko teemɔŋ sane, eweku, eshia, aloo eke mɛi atɛŋ shãramɔ saji amlɪ, ni esaaa akɛ agbeɔ mɔ ko he guɔ hu. Mɔ fɛɛ mɔ yɛ hegbe akɛ mla fãa ehe yɛ enɛmɛi agbɛfaŋ.

### Gbejianotoo 13

Mɔ fɛɛ mɔ yɛ hegbɛ akɛ eyaa he fɛɛ he ni esumɔɔ, asan ni ehio man fɛɛ man ni esumɔɔ mli hu.

Mɔ fɛɛ mɔ yɛ hegbɛ akɛ eshio man ko nɔ, kɛ lɛ diɛntɛɛ eman tete, ni eyɛ hegbɛ hu akɛ ekuɔ esɛɛ keyaa eman ekoŋɛ.

### Gbejianotoo 14

Mɔ fɛɛ mɔ yɛ hegbɛ akɛ eyabaa abo yɛ man kroko nɔ kejo yiwale naa foi.

Akɛ hegbɛ nɛɛ tsuuu nii keji yiwale nɛɛ ejɛɛɛ efɔŋfeemɔ ni kɔɔ mansaneyeli he, aloo ejɛ nifeemɔ ko ni kɛ Jɛŋmaji Ekomefeemɔ Ku lɛ yinto kɛ gbejianotoi lɛ kpãaa.

### Gbejianotoo 15

Mɔ fɛɛ mɔ yɛ hegbɛ akɛ ana lɛ akɛ man ko nɔ nyo.

Esaaa akɛ ahaa mɔ ko ŋmɛɔ manɔyo hegbɛ ni eyɔɔ bɔ ni mla eŋmɛɛɛ gbɛ, aloo aaatsi enaa koni ekanyɛ etsake ejiakumanɛ.

### Gbejianotoo 16

Esaaa akɛ hewolo su, loo man nɔ ni aɛ, loo jamɔ mli ni ayɔɔ tsio hii kɛ yɛi ni eshɛ gbãla gbɛ akɛ amɛkabote gbãlashihile mli kɛwo shwiei. Amɛboteko gbãlashihile mli jio, amɛbote gbãlashihile mli jio, amɛfo gbãlashihile mli jio, esa akɛ ana amɛ akɛ ameyɛɔ egbo.

Ja mɛi enyɔ nɛɛ ekpɛlɛ nɔ dani amɛbaanyɛ amɛbote gbãlashihile mli.

Weku ji man shikwɛɛ, ni ehiaa akɛ abaa yi.

### Gbejianotoo 17

Mɔ fɛɛ mɔ yɛ hegbɛ akɛ enaa lɛ diɛntɛɛ enii, aloo eke mɔ kroko feɔ ekome kenaa nii.

Esaaa akɛ ashɔɔ mɔ diɛntɛɛ nii ni eyɔɔ yɛ edɛŋ bɔ ni mla eŋmɛɛɛ gbɛ.

### Gbejianotoo 18

Mɔ fɛɛ mɔ yɛ hegbɛ akɛ ekɔɔ lɛ diɛntɛɛ eyiŋ yɛ susumɔ ko he, ni eke ehe woɔ jamɔ fɛɛ jamɔ ni esumɔɔ mli. Hegbɛ nɛɛ ŋmɛɔ lɛ gbɛ hu koni etsake ejamɔ loo ehemɔkeyeli, kɛ hegbɛ akɛ lɛ ekome too, aloo eke mɛi krokomei afee ekome kɛha mɛi anu ejamɔ lɛ he yɛ nitsumɔ, nifeemɔ kɛ kusumfeemɔ mli yɛ manjaano loo teemɔŋ.

### Gbejianotoo 19

Mɔ fɛɛ mɔ yɛ hegbɛ akɛ esusuo nɔ ko he bɔ ni esumɔɔ, ni ehaa aleɔ hu. Hegbɛ nɛɛ ŋmɛɔ lɛ gbɛ hu koni ekanmɛ mɔ kroko gbɛ ni eetsake ejwɛŋmɔ; ni ebaanyɛ etsɔ gbɛ fɛɛ gbɛ nɔ etao, aloo enine ashɛ, aloo eha ale sane ko loo susumɔ ko keɛ man fɛɛ man nɔ, bɔ ni akɛ husu tsuuu nii.

### Gbejianotoo 20

Mɔ fɛɛ mɔ yɛ hegbɛ akɛ eke ehe bɔɔ ku aloo henaabuamɔ ko ni atɛ koni afee nɔ ko yɛ toinɔlɛ mli.

Esaaa ake anyeo mo ko no koni eke ehe abo ku ko.

#### Gbejianotoo 21

Mo fee mo ye hegbe ake le dientsɛ efataa mei krokomei ahe kekuraa eman, aloo etsɔɔ oshikifoɔ no ekɔɔ mo kroko koni edamo enaa.

Mo fee mo ye hegbe ake eyeo nibii ni man keyeo ebuaa manbii le mli nyomo le eko.

Manbii asuomona nii no abaadamo akura man le, ni abaatsɔ oshiki kroŋŋ ni ato be ni akefoɔ, ni asan mei fee foɔ ye teemɔŋ, aloo gbe kroko ni shishiumo be mli no ale amesuomona nii neɛ.

#### Gbejianotoo 22

Manyo fee manyo ye hegbe ake man akwe koni efee shweshweeshwe, ni esa ake ena hegbe koni ana le hu egbojee kewula shi. Enɛ feemo bbaje man le modeŋboɔ ke maji atɛŋ ekomefeemo mli, ke bo ni man fee man gbejianotoo ke ejwetri shidaamo yoo ha; ni nakai noŋŋ hu shika heŋaatsɔ, sharamo ke kusum hegbei ni manyo aama le baaye ebua koni ake woo aha mo fee mo.

#### Gbejianotoo 23

Mo fee mo ye hegbe ake etsuo nii, ake etsuo no ni le dientsɛ esumɔɔ, ni ake le aye jalegbe ye nitsumo le mli, ni akwe koni enitsumo akaje edɛŋ hu.

Esa ake mei ni tsuo nitsumo kome ana nyomowoo kome bo ni hieiaŋkwemo be mli.

Esa ake awoo nitsulo fee nitsulo nyomo ni sa enitsumo le, koni eke ena ke ebii aye nii bo ni baashe amena; ni keji eehia le, atso yelikebuamo gbe ko no afee he eko aha ame.

Mo fee mo ye hegbe ake etseo, aloo eke ehe domo nitsuloi aku ko koni eketao esaji anaa.

#### Gbejianotoo 24

Mo fee mo ye hegbe ake ejoo ehe, ni ejieo ehietserɛ hu; ni nakai noŋŋ hu esa ake atoo ŋmeletswai abo ni esa ake aketsu nii, koni awo le nyomo hu beiaŋ ni eejoo ehe.

#### Gbejianotoo 25

Mo fee mo ye hegbe ake ehio shi jogbanŋ bo ni eeena niyenii, hehaano, woohe, tsamo, ke shihileŋ nibii ni ahe hiaa, koni le ke ebii fee ana gbomotsɔŋ hewale, ni agbene hu aye abua le keji enitsumo ŋmɛɛ le, aloo enaaa hetsɛɛ, aloo eje kpa, aloo etsɔ okulafo, aloo egbo, aloo gbe ko no le eleee bo ni eeefee ena edaan ŋmaa.

Awomei ke gbekɛbii ehia kwemo ke yelikebuamo kredɛɛ ko. Esa ake ana bi fee bi ye ŋɛɛ kome no, bo ni akweɛɛ keji kpeemo yoo bi loo hemo bi ni.

#### Gbejianotoo 26

Mo fee mo ye hegbe ake ena skul tsɔsemo. Esaaa ake awoo nyomo ko ye tsɔsemo neɛ he, titri le shishijee no le. Esa ake anye mo fee mo no, ni ke hoo kwraa le egbe shishijee skul naa. Agbele naa ke ninenaa nikasemohei bo ni mo fee mo baana mli gbe, ni nakai noŋŋ hu mei fee baana nikasemohe wulu mli gbe, shi enɛ baadamo modeŋboɔ no.

Tsosemɔ mli lɛ esa akɛ akwɛ koni ayɔsɛ nilee ni yɔɔ gbɔmɔ adesa mli kɛwula shi kɛjie agbojee ni yɔɔ emli lɛ kpɔ, bɔ ni baaha hiɛ asɔ gbɔmɔ kɛ eheyeli. Enɛ baaha niiashishinumɔ kɛ tsuishitoo kɛ naanyobɔɔ ahi maji atɛŋ, nakai nɔŋŋ hu ji hewolo su kɛ jamɔ; ni ebaaye ebua Jɛŋmaji Ekomefeemɔ Ku lɛ yɛ toɪŋjɔlɛ gbɛfaŋ hu.

Fɔlɔi yɛ gbɛnaa kredɛɛ ko akɛ amɛ diɛŋtɛ amɛbaatsɔɔ tsosemɔ ni esa akɛ amɛbii ana yɛ skul.

#### Gbɛjianɔtoo 27

Mɔ fɛɛ mɔ yɛ hegbe akɛ ekɛ ehe woɔ he ni eyɔɔ lɛ kusumfeemɔi kɛ ŋaa nifeemɔi amli, ni eyɛ gbɛfaŋ yɛ sɛɛnamɔ ni yɔɔ jɛŋshikpamɔ nifeemɔi amli hu.

Mɔ fɛɛ mɔ yɛ hegbe akɛ ekwɛ koni mɔ ko akaju shi eyɛ niiashikpamɔ, niŋmaa, lalasɔɔ kɛ nitɛŋmɔ ko ni lɛ diɛŋtɛ efɛɛ lɛ mli nii.

#### Gbɛjianɔtoo 28

Mɔ fɛɛ mɔ yɛ hegbe akɛ ehio shɔramɔ kɛ maji atɛŋ gbɛjianɔtoo ko mli: he ni akɛ hegbei ni yɔɔ kpamɔ nɛɛ mli lɛ tsuo nii kɛwulaa shi yɛ.

#### Gbɛjianɔtoo 29

Mɔ fɛɛ mɔ yɛ gbɛnaa nitsumɔ ko ha akutso mli ni eyɔɔ lɛ: he pɛ ni eeeyɛ ehe, koni ena tsosemɔ ni yɛɔ emuu kɛwulaa shi yɛ.

Mɔ fɛɛ mɔ hegbe kɛ eheyeli asɛɛtiumɔ mli lɛ nɔ pɛ ni tsio pɛ ni tsio lɛ gbɛ ji mlai ni awo bɔ ni afɛɛ ni akɛ bulɛ ni sa aha mɔ kroko hegbei kɛ eheyeli, koni ahi shi yɛ hiesɔlɛ kɛ toɪŋjɔlɛ mli.

Gbɛ ko bɛ akɛ hegbe kɛ heyeli nɛɛ asɛɛtiumɔ mli lɛ atɛ shi ashɪ yɪŋtoi kɛ otii ni jwɛɛ Jɛŋmaji Ekomefeemɔ Ku lɛ hiɛ lɛ.

#### Gbɛjianɔtoo 30

Esaaa akɛ atsɔɔ kpamɔ nɛɛ shishi yɛ gbɛ ko nɔ akɛ maŋ ko, loo ku ko, loo mɔ ko yɛ hegbe ko akɛ efɛɔ nɔ ko ni baanyɛ efite hewalɛ ni yɔɔ hegbei nɛɛ asɛɛ.